

**Bosna i Hercegovina  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
PRVA POLICIJSKA UPRAVA  
POLICIJSKA STANICA STARI GRAD  
S A R A J E V O**

## **I N F O R M A C I J A**

**O PREDUZETIM AKTIVNOSTIMA  
POLICIJSKIH SLUŽBENIKA NA PODRUČJU  
POLICIJSKE STANICE STARI GRAD  
ZA PERIOD JANUAR – DECEMBAR 2012. GODINE**

Sarajevo, Mart 2013.godine

## **I. U V O D**

Konkretnim mjerama za postizanje boljih rezultata u svim oblastima uz poštivanje Međunarodnih standarda o ljudskim pravima i slobodama, permanentna aktivnost PS Stari grad Sarajevo za period **JANUAR-DECEMBAR 2012.** godine uz komparativno poređenje svih linija rada sa istim mjesecom predhodne godine, bila je usmjerena na prevenciju i preduprijeđenje vršenja krivičnih djela, prikupljanju saznanja, pronalasku i hvatanju izvršioca krivičnih djela i po toj osnovi pronalaska predmeta i stvari koji potiču iz izvršenih krivičnih djela, opserviranju područja na kojima je došlo do izvršenja većeg broja krivičnih djela, spriječavanju narušavanja javnog reda i mira, spriječavanju najtežih oblika prekršaja, održavanju povoljnog stanja sigurnosti saobraćaja, osiguranju javnih okupljanja, trasa i objekata zadržavanja visokih ličnosti, objekata od posebnog značaja i vjerskih objekata, pružanje pomoći drugim organima, redovnim rješavanjem Upravno-pravnih poslova i zadataka, te kroz druge vidove operativnog i preventivnog značaja u skladu sa ovlašćenjima i nadležnostima, što je iskazano u slijedećim analizama po svakoj oblasti.

Sve gore navedene aktivnosti PS je ostvarila kroz određene svakodnevne službe, što je iskazano u slijedećim analizama po svakoj oblasti.

## **II. KRIMINALITET**

Nakon sublimiranja izvještaja za period Januar-Decembar 2012.godine kao i stalnog praćenja stanja kriminaliteta, a imajući u vidu da je kriminalitet kompleksna pojava koja se odražava na cjelokupnu sigurnosnu situaciju, kojim se ugrožava život i tijelo ljudi, njihova imovina, sloboda i prava građana, težište aktivnosti svih policijskih službenika, i službenika Odjeljenja kriminalističke policije bilo je usmjereno na dodatno angažovanje na sprječavanju svih vidova kriminaliteta i otkrivanju njihovih izvršilaca.

Prioritet i osnovna orijentacija je usmjerena na proaktivno ciljano policijsko djelovanje koji podrazumjeva preventivu i prekidanje aktivnosti kriminalnih grupa u izvršenju krivičnih djela, a posebno onih koja svojim posljedicama po načinu izvršenja i napadnutim objektima predstavljaju veću društvenu opasnost i koja mogu izazvati specifične sigurnosne aspekte, te narušiti ukupnu sigurnosnu situaciju na području Općine Stari grad.


U programiranju i u utvrđivanju poslova i zadataka iz oblasti sprječavanja i otkrivanja izvršenih krivičnih djela, vrši se stalno analitičko praćenje stanja kretanja kriminaliteta kao i blagovremeno preduzimanje mjera, tako da na osnovu određenih pokazatelja po mjestu, vremenu i načinu izvršenja krivičnih djela, i napadnutim objektima dolazimo do određenih pokazatelja koji su mogli poslužiti za identifikaciju izvršilaca i dokumentovanju njihove kriminogene aktivnosti.

U izvještajnom periodu za JANUAR-DECEMBAR 2012.godine na području Prve PU-PS Stari Grad prijavljena su 564 krivična djela, od čega su rasvijetljena 332 krivična djela ili 58,86%.

U 2012.godini došlo je do povećanja broja izvršenih krivičnih djela za 38 krivičnih djela, što u procentima iznosi 2,31%, u odnosu na 2011.godinu, dok je za isti period došlo do povećanja rasvijetljenosti krivičnih djela 0,95%.

Na osnovu navedenog, može se zaključiti da broj izvršenih krivičnih djela ima blagi trend povećanja uz povećanje procenta rasvijetljenosti krivičnih djela, pa se kretanje stanja kriminaliteta opravdano može ocjeniti zadovoljavajućim.

Grafički prikaz odnosa izvršenih i rasvijetljenih KD 2011/2012.godina



Analizirajući strukturu prijavljenih krivičnih djela, vidljivo je da od ukupnog broja krivičnih djela evidentiranih u periodu Januar – Decembar 2012.godine najveći broj čine krivična djela protiv imovine.

- ◆ Krađe - **82 KD** ili 2 KD manje nego u prethodnoj godini, od kojih je rasvijetljeno 58 KD.
- ◆ Teška krađa - **211 KD** ili 147 KD manje nego u posmatranom periodu prošle godine, od kojih je rasvijetljeno 84 KD.
- ◆ Teška krađa na naročito drzak ili opasan način - **47 KD** što je 06 KD manje u odnosu na prošlu godinu, od kojih je rasvijetljeno 17 KD.
- ◆ Razbojničke krađe - **1 KD**, što je za 1 KD manje u odnosu na predhodnu godinu, od kojih je rasvijetljeno 1 KD.
- ◆ Razbojništva - **23 KD** što je za 22 KD-a manje u odnosu na predhodnu godinu, dok je rasvijetljeno 9 krivičnih djela.
- ◆ Krivična djela utaje - **2 KD** ili 4 krivična djela manje u odnosu na predhodnu godinu, sva krivična djela utaje su i rasvijetljena.
- ◆ Oštećenja tuđe stvari - **19 KD** ili 4 krivičnih djela više, od kojih su sva rasvijetljena
- ◆ Krivičnih djela prijevare **01 KD** ili 05 krivičnih djela manje, od kojih su sva rasvijetljena
- ◆ Krivično djelo prikrivanje **5 KD**, što je za 4 krivična djela manje, od koji su sva rasvijetljena.
- ◆ Iznuda - **0 KD** i iznuda u pokušaju **0 KD**,
- ◆ Ugrožavanje nepovredivosti doma **0**.
- ◆ Pokušaj krađe-**1 KD**
- ◆ Pokušaj teške krađe-**1 KD**, što je manje za 1 KD
- ◆ Pripremanje krivičnog djela - **0**,
- ◆ Lažno prijavljivanje - **1 KD**.

#### **Krivična djela protiv života i tijela :**

- ◆ Pokušaj ubojstva **1 KD** što je za 1 KD više nego u predhodnom periodu, koje je i rasvijetljeno
- ◆ Teške tjelesne povrede **13** što je za 3 KD manje u odnosu na posmatrani period 2010.godine, od kojih su sve rasvijetljene;
- ◆ Lahke tjelesne povrede **0 KD**, a što je za 8 KD manje u odnosu na prošlu godinu
- ◆ Krivično djelo sudjelovanje u tuči -**1** (rasvijetljeno), što je za 1 KD-o manje u odnosu na posmatrani period prošle godine,

#### **Krivična djela protiv javnog reda i pravnog prometa:**

- ◆ Spriječavanje službenu osobe u vršenju službene radnje (01) i napad na službenu osobu u vršenju poslova sigurnosti (04)-**05 KD**, što je isto u odnosu na predhodnu godinu, a krivična djela su rasvijetljena
- ◆ Nasilničko ponašanje **14 KD** ili **2 KD** manje u odnosu na posmatrani period, gdje su sva KD-a rasvijetljena
- ◆ Nedopušteno držanje oružja ili eksplozivne materije **2** ili **3** manje nego u predhodnom periodu, gdje su sva KD-a rasvijetljena
- ◆ Krivotvorenje isprave **1 KD**-a što je za 4 KD manje nego u predhodnom periodu, a krivično djelo je rasvijetljeno.

#### **Krivična djela protiv slobode i prava čovjeka i građana:**

- ◆ Ugrožavanje sigurnosti **35 KD**, što je za 10 krivičnih djela manje nego prošle godine, gdje su sva krivična djela i rasvijetljena.

#### **Krivična djela protiv opće sigurnosti ljudi i imovine:**

- ◆ izazivanje opće opasnosti **15 KD**, ili **01** više, od kojih je rasvijetljeno 12 KD

### **Krivična djela protiv braka, porodice i mladeži:**

- ◆ nasilje u porodici 13 , ili 3 više, gdje su sva i rasvijetljena.

### **Krivična djela iz oblasti ZONDINOM-a :**

- ◆ iz člana 52 ZONDINOM-a Kantona Sarajevo 12 KD, ili 2 više, koja su i rasvijetljena.

### **Ostala krivična djela koja su i rasvijetljena**

- ◆ silovanje - 0 krivičnih djela što je manje za 1 KD u posmatranom periodu.
- ◆ bludne radnje -01 krivično djelo, što je isto u posmatranom periodu, rasvijetljeno
- ◆ posjedovanje i omogućavanje uživanja droga 11, ili što je više za 3 KD u odnosu na predhodni period.
- ◆ ostala krivična djela 24

Analizirajući stanje kriminaliteta, lako je uočiti da su i pored niza preduzetih mjera i radnji u preventivnom smislu od strane policijskih službenika sve s ciljem da se preduprije pojavni oblici kriminaliteta i dalje vrše krivična djela teških krađa putničkih motornih vozila i u pmv, u prodavnice, trafike i druge poslovne objekte, stanove, kuće.

Treba istaći da su u periodu Januar – Decembar registrovana su dva slučaja aktiviranja eksplozivne naprave, pri čemu je u jednom slučaju nastupila materijalna šteta, dok je u drugom slučaju pored materijalne štete došlo do lakšeg povređivanja četiri lica. Od pomenutih, u jednom slučaju je identifikovan izvršilac i procesuiran u skladu sa zakonom.

Takođe treba istaći da su krivična djela koja su od posebnog značaja za osjećaj sigurnosti građana, /razbojništva i razbojničke krađe, teške krađe na naročito drzak ili opasan način/, u visokom procentu rasvijetljena.

Posebno je značajno napomenuti da je u 2012. godini smanjen broj otuđenih motornih vozila na području PS Stari Grad u odnosu na prethodnu godinu, te je u 2012. godini prijavljeno otuđenje 52 motorna vozila, dok je tokom 2011. godine prijavljeno otuđenje 48 motornih vozila, odnosno 4 motorna vozila manje u odnosu na 2011. godinu. Od navedenog broja otuđenih vozila u 2012. godini pronađeno je i vlasnicima vraćeno 12 motornih vozila ili 23,07%, dok je u 2011. godini pronađeno 14 otuđenih vozila ili 29,16%.

## **MALOLJETNIČKA DELIKVENCIJA**

Značajno je napomenuti da se kao izvršioци krivičnih djela pojavljuje jedan broj malodobnih lica starosne dobi od 14-18 godina, kao i krivično neodgovorne djece ispod 14 godina starosti, koja su u toku ove godine počinili značajan broj krivičnih djela samostalno kao i jedan broj krivičnih djela zajedno sa povratnicima – punoljetnim licima.

Treba napomenuti da su aktivnosti policije po akcionom planu na suzbijanju maloljetničke delikvencije, kao i izmjene zakonske regulative (zabrana kretanja maloljetnim licima nakon 23,00 sata), dala dobre rezultate, ali i dalje ostaje problem prije svega povratništva grupa maloljetnih lica, zbog neadekvatne zakonske regulative, kaznene politike i nedostatka smještajnih kapaciteta maloljetnika.

Iz strukture izvršenih krivičnih djela, uočljivo je da su maloljetnici pored teških krađa, počinili značajan broj krivičnih djela od značaja za osjećaj sigurnosti građana (razbojništva, teške krađe na naročito drzak ili opasan način, teške tjelesne povrede, lahke tjelesne povrede, nasilničko ponašanje, ugrožavanje sigurnosti i sl).

Obzirom na navedeno, a imajući u vidu zakonska rješenja koja tretiraju problematiku maloljetničkog prestupništva, prvenstveno nepostojanje adekvatnih ustanova za resocijalizaciju maloljetnika u sukobu sa zakonom, ne mogućnost izricanja efikasnih odgojnih ili kaznenih mjera prema maloljetnicima, stimuliše izvršioce da ponove ili učine drugo, teže krivično djelo.

S tim u vezi, aktivnosti policijskih službenika u narednom periodu će biti usmjerene na suzbijanju pojava, okolnosti i događaja koje dovode do razvoja maloljetničke delikvencije, te u saradnji sa ostalim društvenim subjektima iznalažanju adekvatnih zakonskih rješenja u cilju stvaranja povoljnijeg okruženja i sigurnijeg ambijenta življenja.

### **STANJE ZLOUPOTREBA DROGA NA PODRUČJU PRVE PU PS STARI GRAD**


Odjeljenje za narkomaniju u sastavu Sektora krim. policije MUP-a Kantona Sarajevo, izvršava i izvršavaće svoju funkciju u cilju prevencije, suzbijanja i sprečavanja zloupotrebe opojnih droga, kao i na otkrivanju i identifikaciji izvršilaca krivičnih djela, zloupotreba opojnih droga i drugih delikata, operativnom pokrivanju područja Kantona Sarajevo, a to u saradnji sa svim Policijskim upravama i svim Policijskim stanicama, sa ciljem osiguranja maksimalne prevencije, suzbijanja i sprečavanja zloupotrebe opojnih droga na području Kantona Sarajevo. Ove poslove izvršavaće na visokom profesionalnom nivou, poštivajući elementarna ljudska prava i slobode svakog pojedinca, bez obzira na vjersku, nacionalnu, političku i drugu pripadnost, poštujući Ustav, Zakon, Načela i Procedure, Instruktivne akte MUP-a Kantona Sarajevo i dr.

### **III. JAVNI RED I MIR**

U izvještajnom periodu Januar – Decembar 2012.godine registrovano je ukupno 1055 prekršaja, od čega 1000 prekršaja iz Zakona o JRM, 31 iz Odluke o JRM i 24 prekršaja iz oblasti ZONDINOM-a, što je za 240 prekršaja ili 29,44 % više nego u periodu Januar – Decembar 2011.godine, kada je registrovano 815 prekršaja.

U izvještajnom periodu Januar – Decembar 2011.godine registrovano je ukupno 815 prekršaja od čega 766 prekršaja iz Zakona o JRM, 19 iz Odluke o JRM i 30 prekršaja iz oblasti ZONDINOM-a, što je za 32 prekršaja manje nego u periodu Januar – Decembar 2010.godine, kada je registrovan 847 prekršaja.

## Grafički prikaz odnosa registrovanih prekršaja 2011/2012.godina



Najveći broj prekršaja registrovan je na ulici i drugim otvorenim prostorima 943 prekršaja, u ugostiteljskim objektima 31, sredstvima GRAS-a 00, u i oko škola 05, te na ostalim mjestima 76.

Zbog počinjenih prekršaja, prijavljeno je ukupno 1159 lica, od čega su za 989 lica izdati prekršajni nalozi, dok je podnešeno 118 zahtjeva za pokretanje prekršajnog postupka nadležnom sudu.

U izvještajnom periodu policijski službenici ove PS su u skladu sa aktom MUP-a Kantona Sarajevo i sopstvenom Planu na staničnom području registrovali 719 (sedamstotinadevetnaest) prekršaja narušavanjem JRM prosjačenjem, a od ukupnog broja prijavljenih lica, registrovano je 168 lica povratnika u izvršenju navedenog prekršaja.

Po osnovu Odluke o prekršajima protiv javnog reda i mira, registrovan je 31 prekršaj, dok je u istom periodu prošle godine bilo registrovano 19 prekršaja po osnovu Odluke o prekršajima protiv javnog reda i mira.

Od ukupnog broja prekršaja iz Odluke o PPJRiM, čak 29 prekršaja se odnosi na konzumiranje alkohola na javnim mjestima, što je direktna posledica aktivnosti policijskih službenika na terenu sa ciljem stvaranja povoljnijeg stanja javnog reda i mira i sigurnosnog okruženja u cjelini.

U navedenom periodu od posljedica narušavanja javnog reda i mira lakše je povrijeđeno 29 ili 07 lica manje nego u posmatranom periodu prošle godine.

Primjenom Zakona o prekršajima F BiH, zbog počinjenih prekršaja iz oblasti javnog reda i mira, tokom izvještajnog perioda policijski službenici su jedno lice lišili slobode.

Obzirom da je došlo do povećanja broja prekršaja iz oblasti JRIM-a, a ujedno je došlo do smanjenja broja prekršaja tučom ili fizičkim napadom na drugog, dok je došlo do povećanja broja prekršaja prosjačenjem i navođenjem na prosjačenje kao i prekršaja konzumiranja alkohola na javnom mjestu suprotno Odluci o prekršajima protiv javnog reda i mira, navešćemo još neke od razloga koji pored aktivnosti policije su rezultirali ovakvom stanju i to:

1. Do povećanja određenog broja registrovanih prekršaja, prvenstveno je došlo usled povećanog prisustva policijskih službenika na terenu, što je rezultiralo i značajnim brojem prijavljenih lica po osnovu prekršaja iz Odluke o prekršajima protiv JRiM konzumiranjem alkohola na javnom mjestu. Pojačane aktivnosti policije su u interakciji sa značajnijim brojem ostalih raznih prekršaja, obzirom na proširenje djelokruga rada policije prvenstveno uzimajući u obzir i izmjene zakonske regulative i donošenje novih propisa tokom 2007 i 2008.godine (Zakon o prekršajima protiv javnog reda i mira, Odluka o prekršajima protiv javnog reda i mira, Zakon o sprječavanju nasilja i nedoličnog ponašanja na sportskim manifestacijama i slično).
2. Izražen problem kada je u pitanju činjenje prekršaja prosjačenjem, obzirom da nema ustanove koja bi prihvatila lica koja se bave činjenjem ovih prekršaja, te ostaje zadatak da policijski službenici kroz svakodnevne aktivnosti preduzimaju odgovarajuće mjere i radnje prema ovim licima, od kojih je najveći broj njih povratnika u činjenju prekršaja prosjačenjem. Kako postoji veći broj lica sa područja drugih kantona, prvenstveno Zeničko-Dobojskog kantona, odnosno lica pretežno romske nacionalnosti koja nemaju prijavljen boravak na području Kantona Sarajevo i BiH.

U cilju rješavanja problema prosjačenja, skitnje i nelegalne ulične prodaje na području Kantona Sarajevo, potpisan je Protokol o saradnji između Ministarstva unutrašnjih poslova, Ministarstva za rad, socijalnu politiku, raseljana lica i izbjeglice, Ministarstva pravde i uprave, Ministarstva zdravstva, Ministarstva privrede i Ministarstva prostornog uređenja i zaštite okoliša.

Tokom turističke sezone kada je povećan broj turista na području Općine Stari Grad Sarajevo, policijski službenici PS Stari Grad Sarajevo poduzimaju pojačane mjere na sprečavanju vršenja KD-a krađe, razbojničkih krađa, kao i drugih vidova KD-a, u cilju održavanja što bezbjednije situacije na području ove PS-e.

Redovno su ostvarivani kontakti sa radnicima Centra za socijalni rad, Centra za mentalno zdravlje, kao i drugim relevantnim ustanovama, a sve u cilju realizacije aktivnosti na poboljšanju sigurnosne situacije na području PS Stari Grad Sarajevo, kao i sprečavanja vršenja KD-a i prekršaja.

Imajući u vidu sve naprijed navedeno, kretanje stanja javnog reda i mira na području općine Stari grad Sarajevo, i pored smanjenja broja registrovanih prekršaja koji su posledica prvenstveno pojačanih i planskih aktivnosti policije, a ne pokazatelji kretanja stanja, može se okvalifikovati kao zadovoljavajuće, prvenstveno imajući u vidu smanjenje najtežih oblika registrovanih prekršaja narušavanja JRiM tučom ili fizičkim napadom na drugog.




## PRUŽANJE POMOĆI DRUGIM ORGANIMA/ASISTENCIJE/

Tokom perioda Januar-Decembar 2012.godine zaprimljeno je 70 Zahtjeva za pružanje pomoći, što je za 07 manje nego u istom periodu 2011.godine kada je zaprimljena 77 zahtjeva za pružanje pomoći. U toku izvještajnog perioda postupljeno je po 47 zahtjeva te je pruženo 47 asistencija drugim organima, gdje od ukupnog broja zaprimljenih zahtjeva 23 asistencija odgođeno od strane podnosioca zahtjeva za asistenciju.

Kada je u pitanju ova i druge oblasti ova PS čvrsto stoji na poziciji da će policijski službenici svojim profesionalnim, savjesnim i blagovremenim odnosom prema obavezama, osiguraju visok stupanj sigurnosti građana i njihove imovine uz dosljedno sprovođenje zakonskih propisa, čemu u prilog govori činjenica da u proteklom periodu nije bilo problema prilikom pružanja pomoći.

## **VI. SIGURNOST SAOBRAĆAJA NA PUTEVIMA**

<b>1) Stanje sigurnosti saobraćaja na putevima za mjesec</b>	<b>2011 JAN-DEC</b>	<b>2012 JAN-DEC</b>
<input type="checkbox"/> Ukupan broj saobraćajnih nezgoda -	898	942
<input type="checkbox"/> Broj saobraćajnih nezgoda sa nastradalim licima –	39	28
<input type="checkbox"/> Broj saobraćajnih nezgoda sa materijalnom štetom –	859	914
<input type="checkbox"/> Teže povrijeđena lica (struktura) –	00	00
<input type="checkbox"/> Lakše povrijeđena lica (struktura),	42	37



	Br. izdatih naloga	br. zahtjeva za pokretanje prekršajnog postupka
2011.godina	11845	42
2012.godina	15468	43

## Prikaz stanja sigurnosti saobraćaja-saobraćajne nezgode Januar-Decembar 2011/2012

<b>2) Broj prekršaja (struktura) –</b>	<b>11845</b>	<b>15468</b>
<b>ZOBS-a na putevima – ukupno</b>	<b>11845</b>	<b>15468</b>
a) Nepostupanje po saobraćajnom znaku –	8102	11926
b) Upravljanje motornim vozilom pod dejstvom alkohola –	759	440
c) Crveno svjetlo –	33	72
d) Nepostupanje po naredbi OSL –	16	15
e) Istekla važnost saobraćajne dozvole –	116	147
f) Neregistrovano vozilo –	142	133
g) Nevezivanje pojasa –	409	456
h) Vozač bez položenog vozačkog ispita –	294	380
i) Neispravna oprema u vozilu –	52	81
j) Radnje u saobraćaju –	216	192
k) Preticanje ili obilaženje kolone vozila –	04	10
l) Oduzimanje prvenstva prolaza –	22	11
m) Prekoračenje brzine –	49	53
n) Neprilagođena brzina uslovima puta –	37	59
o) Vozilo dato na upravljanje licu bez položenog vozačkog ispita –	00	00
p) Nezaustavljanje vozila ispred pješačkog prelaza	00	00
q) Ostali prekršaji –	1594	1493
3) Broj zahtjeva	42	43
Broj izdatih prekršajnih naloga	11385	14965
4) Starosna struktura lica kojima je izdat prekršajni nalog – -pokrenut prekršajni postupak_		
- do 18 godina –	06	09
- od 18 do 25 godina –	3366	5281
- od 25 – 35 godina –	3163	3907
- od 35-45 godina	2647	3219
- preko 45 godina -	2203	2549
broj kontrolisanih motornih vozila –	17361	18889
broj pretresenih – pregledanih motornih vozila –	00	00
broj pretresenih – pregledanih lica u motornim vozilima	00	00
broj isključenih vozača u saobraćaju zbog upravljanja pod dejstvom alkohola –	759	440
broj isključenih vozača bez položenog vozačkog ispita –	294	380
broj vozača koji su upravljali vozilom pod izrečenom zaštitnom mjerom zabrane upravljanjem tom kategorijom –.....	00	00
broj isključenih vozila zbog tehničke neispravnosti –	00	06
broj isključenih neregistrovanih vozila –	135	133
broj izdatih odobrenja za prevoz opasnih materija –	00	00
broj upućenih vozača na kontrolni zdravstveni pregled –	00	00

Tokom perioda JAN-DEC 2012 . godine registrovano je 15468 prekršaja, što je za 3623 ili 23,42 % više nego u periodu JAN-DEC 2011 godine. U izvještajnom periodu je izdato 14965 prekršajnih naloga, dok je u istom periodu 2011. godine izdato 11385 prekršajnih naloga , što je za 23,92 % više u odnosu na period JAN-DEC 2011 godine .U periodu JAN-DEC 2012 godine dostavljeno je 43 zahtjeva za pokretanje prekršajnog postupka Općinskom Sudu u Sarajevu-Prekršajno odjeljenje, dok je u periodu JAN-DEC 2011 dostavljeno 42 zahtjeva.

Takođe, u periodu JAN-DEC 2012. godine ukupno su registrovane 942 saobraćajne nezgode, dok je u perodu JAN-DEC 2011 godine registrovano 898 saobraćajnih nezgoda. U periodu JAN-DEC 2012 godine dogodile su se 914 saobraćajne nezgode sa materijalnom štetom, kao i 28 saobraćajnih nezoda sa povrijeđenim licima u kojima je lakše povrijeđeno 37 lica.

Pored navedenog, policijski slubenici su tokom izvještajnog perioda 2012.godine kontrolisali 18889 motorno vozilo i vozača, dok ja za isti period 2011, godine kontrolisano 17361 motorno vozilo, isključili iz saobraćaja zbog upravljanja pod dejstvom alkohola 440 vozača, a 2011. godine isključeno je 759 vozača, isključili iz saobraćaja bez položenog vozačkog ispita u 2012. godini 380 vozača a u 2011. godini 294 vozača, isključili 133 neregistrovanih vozila u 2012. godini, dok je u 2011. godini isključeno 135 neregistrovanih vozila, a zbog lakših prekršaja upozoreno 3421 vozač.

I pored preduzetih mjera i aktivnosti policijskih službenika, stanje mirujućeg saobraćaja je i dalje nezadovoljavajuće. U izvještajnom periodu uz prisustvo službenika policije, a postupajući po Odluci Vlade Kantona Sarajevo, o sigurnosti i organizaciji prometa, pomoću specijalnog vozila PAUK uklonjeno je 259 nepropisna parkiranih vozila, od toga najviše iz ulica At Mejdan, O.I.Ishakovića, Konak, O.K.Bana, S.B.Bašagića, M.M.Bašeskije, Z.Beretki, Čumurija, kao i drugih ulica koje su obilježene kao pješačka zona.

Obzirom na gore navedeno, generalno stanje sigurnosti saobraćaja nije na željenom nivou, a u cilju unaprijeđenja sigurnosti saobraćaja ova PS će u narednom periodu intenzivirati slijedeće mjere i aktivnosti:

- Izgraditi još bolji mehanizam praćenja pojava, prikupljanja i obrade kao i prezentiranja podataka, stalno sačinjavanje analiza po mjestu i vremenu i uzrocima nastanka saobraćajnih nezgoda, te na osnovu istih usmjeravati službu u cilju smanjenja broja saobraćajnih nezgoda, kao i prekršaja iz oblasti sigurnosti saobraćaja na putevima.
- Obezbijediti prisustvo većeg broja policajaca čiji bi pravilan razmještaj i aktiviranje raspoložive tehnike, bio u skladu sa izvršenim analizama ove PS, vezanih za kritične saobraćajnice na području općine Stari grad, tj. policijske službenike usmjeravati na ugrožene lokalitete radi preduzimanja aktivnosti u skladu sa zakonom, a sve u cilju kako bi se stanje sigurnosti saobraćaja podiglo na zavidniji nivo.
- Pojačati aktivnosti na kontroli tehničke ispravnosti vozila, jer je neosporno da se veći broj istih kreće na području kako Općine Stari grad tako i grada Sarajeva, te predstavljaju potencionalnu opasnost za ostale učesnike u saobraćaju.
- U saradnji sa KJKP“RAD” nastaviti aktivnosti uklanjanja nepropisno parkiranih vozila, koja se nalaze na javnim površinama, pješačkim zonama, a protiv vlasnika preduzimati mjere u skladu sa Zakonom.

- Obavještanje nadležnog Ministarstava saobraćaja, o oštećenjima puta, saobraćajnih znakova i druge opreme, u cilju njihovog preduzimanja intezivnijih mjera i regulisanja stanja iz ove oblasti, te iznalažanja mogućnosti idejnih rješenja za izgradnju novih parking prostora, što i dalje produžava problem mirujućeg saobraćaja, koji je posebno izražen na centralnim dijelovima Općine Stari grad Sarajevo.
- Animirati sredstva informisanja koja bi organizirala edukativne emisije na temu "Sigurnost saobraćaja", uz učešće mjesnih zajednica, Udruženja građana i dr. na organiziranju i sprovođenju saobraćajno-obrazovnog i preventivnog rada i razvijanja saobraćajne svijesti, kulture i solidarnosti u međusobnim odnosima učesnika u saobraćaju, uz konstatno održavanje aktivnosti obuke učenika, osnovnih škola sa temom "Djeca u saobraćaju", te realizacija programa "školskih saobraćajnih patrola".
- Pojačati kontrolu pješaka koji nepoštuju saobraćajne propise.
- Rad na otkrivanju vozača, koji nisu zdravstveno sposobni za upravljanje motornim vozilima, odnosno upućivanje istih na kontrolni zdravstveni pregled itd.

Iz svega gore navedenog važno je istaći da je PS Stari Grad zajedno sa Općinom Stari Grad u 2012. godini poduzela odgovarajuće korake na osiguranju uslova za nesmetano odvijanje pješačkog saobraćaja, naročito na užem dijelu općine.

PS Stari Grad će u 2012. godini u saradnji sa Općinom Stari Grad nastaviti sa istim aktivnostima, tako da su već poduzeti odgovarajući koraci na postavljenju odgovarajuće saobraćajne signalizacije u ul.Bistrik, tačnije ispred OS „Edhem Mulabdić“, a sve u cilju stvaranja što sigurnijeg ambijenta prilikom dolaska i odlaska učenika navedene škole.

Važno je naglasiti izrazito dobru saradnju Općine Stari Grad i PS Stari Grad u protekloj godini na rješavanju različitih problema iz domena sigurnosti saobraćaja.

## V. JAVNA OKUPLJANJA

Posebno značajan dio aktivnosti policijskih službenika Prve PU-PS Stari grad je usmjeren na osiguranja objekata, održanih javnih skupova, pratnju ličnosti, novca i vrijednosnih papira, pratnje "B" materije, osiguranje trasa kretanja i mjesta zadržavanja visokih delegacija i ličnosti.

	<u>Jan.-Dec. 2011</u>	<u>Jan.-Dec. 2012</u>
Broj održanih Javnih okupljanja	123.....	142
Broj odgođenih javnih skupova	00.....	00
Br.ang.sl.policije u toku mjeseca	667.....	672

U proteklom izvještajnom periodu na području PS Stari grad održano je 19 javnih okupljanja više u odnosu na prošlu godinu, do j je broj angažovanih policijskih službenika veći za 5 nego u proteklom periodu.

Treba pomenuti da najznačajnije mjesto prema broju angažovanih službenika policije na osiguranju javnih okupljanja u izvještajnom periodu čine osiguranja javnih okupljanja na ulicama i trgovima na području Općine Stari grad Sarajevo, gdje je tokom okupljanja

evidentno prisustvo većeg broja građana i posebno značajno protestna okupljanja nezadovoljnih kategorija stanovništva.

Sva protekla javna okupljanja tokom perioda Januar-Decembar 2012.godine su protekla bez narušavanja JRiM koji bi destabilizirao ukupnu sigurnosnu situaciju na području Općine Stari grad i Kantona Sarajevo, a poduzimajući operativne i druge mjere i radnje iz nadležnosti prije, za vrijeme i nakon osiguranja javnih okupljanja, službenici policije su naročitu pažnju obratili na identifikovanje lica-nosioca aktivnosti sklonih incidentima i narušavanju javnog reda i mira na javnim okupljanjima i svi registrovani incidenti su zadokumentovani i protiv izvršilaca poduzete Zakonom predviđene mjere i radnje, te je generalno stanje u oblasti javnih okupljanja na zadovoljavajućem nivou.

Takođe treba istaći da osiguranja javnih okupljanja u značajnoj mjeri utiču na pokrivenost terena službenicima policije, što direktno može uticati i na stanje kriminaliteta.

PRATNJE (ličnosti, novca, vrijednosnih papira i "B" materije):

	Jan-Dec. 2011.g	Jan-Dec. 2012. g
Ukupno izvršeno pratnji.....	100.....	163
Ukupno učestvovalo radnika policije.....	173.....	276
Ukupno utrošeno sati.....	12,45.....	26,47

Angažovanost policijskih službenika na osiguranjima trasa kretanja i objekata boravka i zadržavanja delegacija, angažovanost na osiguranjima objekata :

Shodno prispjelim depešama i aktima MUP-a Kantona Sarajevo, tokom izvještajnog perioda Januar- Decembar 2012.godine policijski službenici su vršili osiguranje trasa kretanja, mjesta boravka i objekata zadržavanja visokih delegacija, na kojim poslovima je bio angažovan 301 policijski službenik ili 43 više u odnosu na predhodni period 2011.godine.

Takođe, skladu sa zaključcima Vlade Kantona Sarajevo o posebnim mjerama na otkrivanju i suzbijanju teških krivičnih djela, depeša MUP-a Kantona Sarajevo, te na osnovu procjene bezbjednosne situacije i zaključaka Kolegija Načelnika Prve PU, u 2012.godini konstantno je vršeno osiguranje objekta PS Stari grad Sarajevo.

Takođe, stalnim fizičkim osiguranjem, osiguravani su određeni objekti u periodima kada se ukazala potreba zavisno od procjene bezbjedonosne situacije ( Hotel Evropa povodom boravka visokih delegacija, vjerskih objekata, osiguranje stambenih objekata diplomatsko konzularnih predstavnika, kao i osiguranje drugih objekata od značaja).

## VI- OSTALI POSLOVI I ZADACI

Pored navedenih aktivnosti, policijski službenici Prve PU-PS Stari grad tokom 2012.godine izvršili pozivanje 1272 lica, izvršili 402 provjere (po zahtjevima tužilaštva i drugih organa).

Takođe, značajne aktivnosti PS Stari grad je tokom navedenog perioda 2012.godine preduzimala na identifikaciji problema i iznalaženju rješenja svakodnevne problematike građana kroz uključivanje u rad Savjeta mjesnih zajednica, školskih odbora, edukaciji stanovništva u vezi problematike maloljetničke delikvencije, sigurnosti saobraćaja učenika i druge aktivnosti gdje su postignuti određeni rezultati u rješavanju problema zajednice, sa ciljem stvaranja povoljnijeg i sigurnijeg ambijenta življenja.

## VII-ZAKLJUČAK

Uporednom analizom izvršenja krivičnih djela, na području općine Stari grad Sarajevo tokom izvještajnog perioda 2012.godine u odnosu na isti period 2011.godinu, kao i uporednom analizom prijavljenih izvršenja krivičnih djela za period Januar-Decembar 2012.godine u odnosu na isti period 2011.godine, može se zaključiti da broj izvršenih krivičnih djela na području PS Stari Grad u blagom porastu, dok je broj rasvjetljenih KD-a u porastu, kao i broj događaja za koje je upućena obavjest nadležnom tužilaštvu putem administrativnog djelovodnika, pa se kretanje stanja kriminaliteta opravdano može ocjeniti zadovoljavajućim u odnosu na uporedni period.

Kretanje stanja javnog reda i mira, pored smanjenja broja registrovanih prekršaja, što je posledica prvenstveno pojačanih aktivnosti policijskih službenika na suzbijanju pojava oblika narušavanja JRiM prvenstveno prosjačenjem, te šireg opsega djelovanja policijskih službenika primjenom novih zakonskih propisa, može se okarakterisati kao zadovoljavajuće sa trendom poboljšanja, prvenstveno imajući u vidu da pored smanjenog broja registrovanih prekršaja protiv javnog reda i mira, smanjen broj težih oblika (tučama, fizički napad na drugo lice).

Evidentiran broj prekršaja prosjačenjem i narušavanjem javnog reda i mira glasnom muzikom iz ugostiteljskih objekata, kao svakodnevni pojavni oblik, je rezultat pojačanih i planskih aktivnosti policijskih službenika i službenika Centra za socijalni rad, na suzbijanju prosjačenja kao pojava oblika a ne događaja narušavanja JRiM, te dalje predstavljaju problematiku kojoj i u narednom periodu treba posvetiti posebnu pažnju.

Stanje sigurnosti saobraćaja, kada je u pitanju broj saobraćajnih nezgoda, ima trend povećanja, obzirom na povećanje broja nezgoda u odnosu na predhodni period 2011.godine, dok je došlo do smanjenja broja saobraćajnih nezgoda sa lakše povrijeđenim licima u odnosu na predhodnu godinu, dok saobraćajnih nezgoda sa teže povrijeđenim licima nije bilo u izvještajnom periodu za 2012. godinu kao i u periodu za 2011.godinu, može se izvesti zaključak da je kretanje stanja sigurnosti saobraćaja stabilno, ali da još uvijek nije na željenom zadovoljavajućem nivou, prvenstveno zbog i dalje izražene i prisutne problematike mirujućeg saobraćaja, uzrokovane prvenstveno nedostatkom parking prostora u užem jezgru grada.

Analizom ostalih poslova i zadataka /asistencije, javna okupljanja, osiguranja trasa kretanja, pratnje i slično/, evidentno je da je došlo do blagog smanjenja angažmana policijskih službenika na drugim prioritetnim poslovima i zadacima usled proširenja djelokruga rada, potrebe omogućavanja izvršavanja službenih zadataka drugim organima, osiguranja sve većeg broja javnih okupljanja i drugih aktivnosti/, što često za posledicu ima diskontinuitet u angažmanu policijskih službenika na terenu.

Pravilnikom u unutrašnjoj organizaciji i sistematizaciji radnih mjesta MUP-a Kantona Sarajevo u Prvoj PU-i - PS Stari Grad Sarajevo predviđen je 91 policijski službenik, dok je trenutna popunjenost sa 87 policijskih službenika.

Na osnovu sumiranih aktivnosti i postignutih rezultata, posmatrano sa aspekta rada policije, ukupna bezbjedonosna situacija na području koje pokriva Prva PU-Policijska stanica Stari grad Sarajevo, može se okarakterisati kao zadovoljavajuća sa trendom poboljšanja u svim oblastima, naročito iz oblasti sigurnosti saobraćaja, prvenstveno saobraćaja u mirovanju, a na osnovu toga što je u najkritičnijim ulicama došlo do postavljanja odovarajuće saobraćajne signalzacije, što će u znatnoj mjeri olakšati rad policijskih službenika, pri čemu će stvoriti odgovarajući stepen sigurnosti prilikom nesmetanog odvijanja saobraćaja.

Iz svega gore navedenog, neophodno je naglasiti da je u 2012. godini saradnja između PS Stari Grad i Općine Stari Grad Sarajevo (Načelnika općine i svih općinskih službi) bila veoma na visokom nivou. Zahvaljujući takvoj saradnji, stanje na području općine Stari Grad je po svim oblastima izuzetno dobro, a samim tim je stvorena povoljna bezbjedonosna situacija, kako na području općine Stari Grad, tako i šire na području Kantona Sarajevo, te bi bilo neophodno i u narednom periodu nastaviti sa saradnjom, kako bi se pomenuto stanje bezbjednosti zadržalo i dovelo na najveći mogući stepen.

S a r a j e v o , Mart 2013.godine